

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第八十輯

沈雲龍 主編

朱九江（次琦）先生傳

簡朝亮著

文海出版社
有限公司印行

朱九江先生傳

先生諱次琦字子襄一字稚圭南海九江鄉人也幼四歲母問何所願曰願人盡愛兒及長好學祈嚮古人以明體達用爲歸道光二十七年丁未成進士當是時先生之試與貢士焉聞者斲之一甲及廷試方日昃宦者趣卷試者乞緩或揖之先生以屈節非士也非所以爲出身地也卷未完呈之而出邑先達在官者聞之惜其才闡追之使完卷先生不服闡不顧也以進士卽用知縣籤分山西迺赴晉不挈家而行在需次凡七年晉多士喜從之遊先生卻其摯與之言學咸豐二年夏先生奉詔使蒙古初蒙古有幕南地授晉邊氓輸租而耕歲久衆數萬人遂不輸租蒙古忿之約期與鬥邊氓先期乘夜邀擊殺其隸

札薩克者七百餘人蒙古疊控於朝且言將用兵幕南詔
責行省迅治撫軍兆那蘇圖議勦邊氓彼乃颺聲拒之先生差
旋適聞變夜見臬司潘公此先生鄉試舉主潘忠毅公鐸也以
兵事問之信然先生曰此激亂也今南方盜寇有魚爛之憂又
使北方軍興以重兵釁以生盜心中原自此多故矣不如遣一
能吏親諭邊氓俾獻罪魁執以說於蒙古此一介使事耳潘公
以白兆公兆公遂寤顧念晉員無足任者潘公薦先生曰言者
其人也兆公以先生奏聞請代平章其事於是馳至幕南訊其
耆老縛罪魁十三人從行五月乙卯衣裘絕大幕抵其盟部蒙
古大會諸王咸以抵罪者少未肯解釁先生具宣天子德意
且言死者雖多迺自相蹈藉而死援刑律檢骨灑折之又因其

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



俗言血刃尋仇不如喇嘛禮魂諸王微動諸王中瀆福善者嘗居京邸知詩久慕先生於是因瀾王以諭諸王殺十三人而釁解先生之行也挾五臺黃喇嘛德徹以行卒用藏事諸王說先生贖裘二百襲謝弗受使還兆公將以知府花翎奏請先生聞之以議發自己且薦自舉主潘公有銜售之嫌請潘公爲固辭於兆公迺已會及班夏六月壬辰署孝義縣未赴旋署襄陵縣七月戊辰先生孑身赴襄陵以儒爲治而績成繫囚趙三不核劇盜也介薛護令去官越獄奔逃護令須先生至以相屬先生謝病三日不至盜遂不戒先生陰出重貲購知其所適亟假郡役前半夕疾馳百二十里至曲沃郭南酒家樓格其麾刃遂執之比邑人迎新令則繫原盜入矣河東歲患狼俗愚謂爲神物

不敢擊席氏女將出閨爲所噬訟者兩造噬其一先生憂之募
獵戶擒狼獲者與錢萬猶無獲迺親檄西山神祠民患狼而祀
之者也約十日驅狼盡否則毀神瀆其地邑人皆恐時方秋肅
天迺大霧旬日人得迹狼所至攢火鎗擊之無脫者得狼百有
七患遂絕先生下車脩鄧伯道祠崇風教也親教士養中堂頒
讀書日程教而色笑士皆醉義忘歸邑有唐風而民褊兄弟因
異財訟者不絕先生以骨肉之閒非佗也吃虧而已且訟決益
怨論之歸旋復訟先生憂之已而悟曰言兄弟者必溯妻帑常
棟之義也迺訊訟者訊兄兄曰吾友也訊弟弟曰吾恭也先生
曰若兄弟所言胡爲乎訟哉必生自婦人也當先懲之先生讞
獄不輕及婦人至是呼役於庭速婦人至旣退役不卽行越日

訟者具悔狀乞罷請爲兄弟如初邑遂無異財訟關氏錯居河東解州世襲翰林博士某數以訟脅族人財越境來訴先生榜門揭期弊獄壯繆侯廟許百姓聚觀及期旦日闌廟闔觀者數千人埃日中先生入廟博士及其族人皆從先生升堂抗聲祝神以侯之義烈動之而數其敗官忝世之罪觀者羣相指罵博士媿欲死搏顙自詈邑遂無親屬訟平陽西三十里曰平山亦所稱壺口也平水出焉襄陵與臨汾受平水分灌其田豪右龍斷爲奸非有買水券弗予之水無地者擅水之利而有地者反無水於是爭水而鬥者歲百千人大獄數起先生至廉獄事多所活貸迺均水利以絕其爭定以地隨糧以水隨地之制會臨汾周令履畝兩邑田若稅相直也定平水爲四十分縣各取其

半遂頒水則筦茲陡門水二十分釀八支渠所分灌視壤廣狹
爲差凡得水田十萬畝有奇先生且言於兆公曰襄陵水利民
捐民脩乞奏請毋照東南水田升科兆公命先生爲奏藁奏上
詔曰可邑人銘碑紀之先生置鼓堂上約民有事則自擊鼓
不限旦暮聞鼓卽理問告無成期狀無成式先生卽地選僕習
其方言民或不知書口訴可也時出行縣減從者惟具筆札衣
糧以隨不煩供億有遮訴者索木倚坐道遽與判牘杜門莊士
風聽造廬諮民疾苦耳目無窮此先生宰政之要之尤者其從
出之原由其學也三年二月癸未先生去襄陵在任百九十日
及代而去舉邑皇皇如失慈母乞留畫像遽祀之鄧伯道祠旋
建祠而祀之溯咸豐二年冬南方盜東下破武昌安慶據金陵

北至揚州先生在襄陵驚曰吾懼其如明之流賊也迺爲晉聯
關隴三難五易十可守八可征之策其略曰雍冀爲天地積高
之府踞建瓴之勢我力能合從則腹背無虞顧瞻關隴唇齒依
之矣晉中富實內而馬牧金鐵硝磺芻粟之產外而蒙古察哈
爾之兵踊躍徵需可饒軍實長安稱陸海豪戶不減晉中河西
武力關外防秋皆緩急之資也一旦有警犄角奇正而赴之折
衝千里此常山蛇勢也於以援中原屏蔽 京師豈不爲桓文
之烈哉先生以平陽太守何維墀撫軍哈芬所信也陳策干之
再三不用及代瀕行先生告襄陵人曰賊將至矣賊之勢必渡
河而晉無備必入晉旣入聞襄陵富必窺襄陵今爲之策燔汾
河之舟毀城外之室賊至旣不得渡又無所掠此城必可完也

邑人以賊遠且燔毀始難之以先生來則旣惠去則必哲終從之迺籌金合以水利捐餘凡所燔毀估其價賊退復之信鈴邑印而行代還迺自奏記哈撫軍如所以告何太守者尤加切焉哈撫軍素不知書視先生策若無覩也納策韉中遽退幕賓教之言迺出詢先生曰子之策謂之先事豫防也可謂之未事張皇也亦可卒不用先生遂引疾亡何揚州賊由鳳毫趣豫跨河撲懷慶八月折而西入晉逕陷垣曲絳縣曲沃進屠平陽又殘洪洞潞城黎城以出喋血千里蹂躪及畿輔天子遂以輦轂爲憂何太守闔門遇難哈撫軍聞難先逃革職遣戍而襄陵守先生遺策其城特完先生在晉豫歸貲不他動曰吾強項令也不有歸貲可若何及引疾歸次贛州猶典裘度嶺乃至其家先

生鄉居勤鄉隄如舊日率宗人新祖祠行捐產贍族例章遠方
從學者日至先生講學禮山下有古大夫歸教州里之風於是
講學終二十餘年每聞先生曰嗚呼孔子沒而微言絕七十子
終而大義乖豈不然哉天下學術之變久矣今日之變則變之
變者也秦人滅學幸猶未墜漢之學鄭康成集之宋之學朱子
集之朱子又卽漢學而稽之者也會同六經權衡四書使孔子
之道大著於天下宋末以來殺身成仁之士遠軼前古皆朱子
力也朱子百世之師也事師無犯無隱焉者也然而攻之者互
起有明姚江之學以致良知爲宗則攻朱子之格物乾隆中葉
至於今日天下之學多尊漢而退宋以攷據爲宗則攻朱子爲
空疏一朱子也而攻之者迺相矛盾乎學術之變古未有其變

也嗚呼古之言異學者畔之於道外而孔子之道隱今之言漢學宋學者咻之於道中而孔子之道歧何天下之不幸也彼攷据者不宋學而漢學矣而獵璞文蠹大義叢脞無用漢學之長有如是哉孔子曰德之不脩學之不講是吾憂也吾今爲二三子告蘄至於古之實學而已矣學孔子之學無漢學無宋學也脩身讀書此其實也二三子其志於斯乎脩身之實四曰惇行孝弟崇尚名節變化氣質檢攝威儀今之學者其聞古之孝弟則曰吾心固如此也其事則不能矣及其有失也則曰事如此吾心不如此也然則汝心則是汝事則非孰使汝心不能達於事邪抑汝心未誠耳誠以行之如古之孝弟也家人且化焉鄭濂舉治家之道曰不聽婦言夫有言而不聽豈若化之而無言

乎且骨肉之閒學者動以理爭也夫
爭理者亦罪禮曰門外之治義斷因
以理爭也有變則以仁術全之可也
後世以顯父母立身也者名節之謂
而鮮名節二百年於茲矣學者不白
辨義武侯謹慎辭受取與出處去就
如日月之在天也張子曰形而後有
之性存焉鴻範曰沈潛剛克高明柔
勝氣質則剛柔濟事是攸好德也攸
克而氣質勝則剛柔害事是弱也弱
龜也今之學者輒曰不羈威儀鮮白

類言亡國徵也以言學者亦亡身徵也故鬼幽鬼躁管輅猶規
之矣雖然脩身者不讀書不可也讀書之實五曰經學史學掌
故之學性理之學辭章之學夫經明其理史證其事以經通經
則經解正以史通經則經術行掌故者古今之成灋也本經史
之用以參成灋則用灋而得灋外意矣性理非空言也易曰翰
音登于天何可長也性理者所以明吾學之大皆吾分也用之
無所驕不用無所歉古來才大而器小或矜伐自用若管仲姚
崇李德裕張居正者猶譏焉吾以爲性理之書義如懿戒足以
自箴矣歐陽氏曰文章止於潤身政事可以及物夫信以文章
非及物者乎君子之學以告當世以傳來者書以明之詩以歌
之非文章不達也皆及物者也孔子曰言之無文行而不遠南

宋而後古文之道澆衰天下必當有興者二三子其志於斯乎
嗚呼有明季年流賊乘之今吾衰矣金陵之盜憂方大也孟子
曰下無學賊民興可不懼哉此先生講學之大旨也史記孔子
世家特稱論語之言曰子以四教文行忠信明其垂萬世灋也
文者六經也書與春秋經之史史之經也百王史灋其流也正
史紀傳書也通鑑編年春秋也九通掌故溯源於經濂洛關閩
性理精微由經而發非宗經無以爲辭章皆讀書事也行主忠
信皆脩身事也子以四教斯學者一人而備四教及其教成則
以其尤長者名之曰德行曰言語曰政事曰文學所謂四科也
斯其爲孔門之人才先生於讀書以脩身者勉備乎一己其教
學者必一人皆備焉而世之爲教者喜四科而忘四教先分四

科偏以一科而教一人終身欲其學焉而得其性之所近也夫
烏知教先偏者豈其性歟知經而不知史則迂知史而不知經
則麤胥吏之才斯知掌故而不知經史語錄之野斯不知辭章
文人無足觀斯不知讀書以脩身之實先生察之所以本邱文
莊說而不取經義治事分齋也其他可推矣先生曰紀文達漢
學之前茅也阮文達漢學之後勁也百年以來聰明魁異之士
多錮於斯矣嗚呼此天下所以罕人才也四庫全書提要非紀
文達裁定歟以功令尊朱子而不敢干每陰排之小學非六書
而已也紀文達必從漢志非也朱子小學小學之道也大戴禮
曰古者年八歲而出就小學學小藝焉履小節焉束髮就大學
學大藝焉履大節焉是故小學養大學 皇清經解非阮文達

命輯歟宋學言去欲經解以爲非曰所欲與之聚之孟子義也
彼漢學者東視不見西牆矣人欲有公而有私也樂記所謂滅
天理而窮人欲者也漢書黥布反高祖諭謂布曰何苦而反布
曰欲爲帝耳然則布之欲也其宜去乎抑不去乎先生曰注疏
者學十三經之始也古今名家聲音訓詁去其違而終之經義
焉可也漢書藝文志曰古之學者耕且養三年而通一藝存其
大體玩經文而已是故用日少而畜德多三十而五經立也吾
聞經師之灋日誦三百言不及三年雖在中人五經皆徧昔者
東方朔年二十二上書自言十六學詩書誦二十二萬言十九
學孫吳兵灋亦誦二十二萬言凡已誦四十四萬言由今攷之
朔六年之中日誦二百言有奇中人無不能也少苟失學何患

於無年乎五經兼習乾隆閒乃行之其初惟專經例然士能兼經所謂異能之士也美矣士不能兼經斯有以虛應之者是求多而反失也漢制專經天下豈不多經術士哉易善補過諸大象皆有君子以之文蓋求於人事者重程子易傳朱子本義可明也而程子言假象朱子言先天河圖其創獲者宜辯焉書偽古文閻氏別於先漢學因而攷之書古文篇非無可據也而康誥注言周公稱王洛誥注言周公復辟其害義者宜辯焉詩從子夏序毛傳鄭箋可參也而無衣序言美晉武公其誤傳者宜辯焉春秋三傳必正其違經之失左氏傳杜注公羊傳何注此與穀梁傳范注有自謂未詳以見傳非者不同亦未可廢也而杜注縱亂臣賊子以自掩何注敢黜周王魯其惑世者宜辯焉

禮以今用之爲宜古禮之云鄭注可徵也而禮運注言大同小
康其不知錯簡者宜辯焉先生曰資治通鑑史學之大用也雖
百世可爲王者師矣畢氏之續未逮也然續者獨推焉通鑑書
戰者詳兵謀之蓄也紀事本末其尋之也易不亦宜備乎二十
四史讀之者其要可知也史記前漢書後漢書三國志四史史
之冠也明史史之近也史記六國表序所謂以其近己而俗變
相類也明史屬藁有布衣萬季野焉史局諸臣鴻博選也越六
十年而書成故史義之精獨踰羣史此先生講學惓惓恆懼無
學而興賊民之禍也先生年十三同里曾廣文勉士喜先生幼
敏以先生謁阮文達此在粵制府時也迺命先生作黃木灣觀
海詩文達驚曰老夫當讓此子出一頭地過予彩旗門觀海作

矣及文達爲相國詒書盧制府言選高才生肄業學海堂於是
選者十人先生爲舉首先生以疾辭不赴粵大吏歷年聘先生
爲學海堂學長辭不就仍虛位待之凡二十餘年終不就先生
講學至 皇清經解每以筆擊案曰何偏之甚也顧亭林之學
不分於漢宋也今采其說尊宋者芟焉書以 國朝爲目當時
之儒非皆漢學也若方靈皋者流迺一言之不錄也同治元年
先生疊奉 特旨召用以疾未赴郭中丞與先生同年也詒書
將就見之先生復書固辭再詒書又復之卒不得見有島族人
介某明經求見先生以他出辭而謂明經曰子而忘經義乎古
之大夫非有君命不私覲禮曰爲人臣者無外交不敢貳君也
光緒二年有聞使英者以告卽先生前所不見之郭中丞也先

生閔然悲之於後先生旣沒門人啓其篋衍迺得手書曰派員
往英之事何辱國至此舉朝可謂無人李相身係安危先自屈
辱損中國之威長夷虜之氣天下何望矣回憶咸豐之事喋血
郊園盟於城下 乘輿出遜 晏駕不還公羊所謂百世之讎
無時焉而可與通也今重有此大辱之事此志義之士所以言
念國恥當食而歎中夜憤悱誓心長往終己不顧者也先生事
親一器一役喜躬親之時以叔子偕伯仲及季將事如嬉兒之
爭承親不以壯佼視也與伯兄同舉於鄉問學相師友父母喪
居先廟東廂哀毀喪食三年繼母喪居鄉寺執禮如母以會試
故五越月而聞繼母喪慟哭咯血動於其天也光緒七年六月
張制軍裕撫軍以先生奏聞曰講明正學身體力行比閭族黨

薰德善良七月 詔賜五品卿銜十二月十九日丁丑先生卒
年七十五及斂面如生門人醵金以賻門人嘗問曰先生日著
述者何先生曰吾著述有七曰 國朝名臣言行錄曰 國朝
逸民傳嘗仕者亦書如逸民柳下惠也曰性學源流曰五史實
徵錄此錄宋遼金元明也曰晉乘其書名未定有論 國朝儒
宗者倣黃黎州明儒學案有紀蒙古者先生曰藁有未脫定藁
以傳猶須暇日爾卒年八月謝絕一切家人問故曰吾有事於
書也十月疾作知難終事遂自燔其藁蓋踰一月而卒門人蒐
其詩文都爲十卷稱曰朱九江先生集

傳例見漢書鄭康成傳
唐書韓昌黎傳皆列傳

門人順德簡朝亮謹撰

夫乞工老生專

讀書堂弟子校印

一一

ス
ニ
シ
ス
ス
ニ
イ

一
一
一

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

